



局

類

名

方







局 方 發 揮

朱 震 亨 撰

叢書集成初編

(補印本)

局方發揮及其他一種

一九三七年六月初版
一九五九年十月補印

商務印書館出版

上海虹口印刷廠印刷

局方發揮

元 金華朱彥脩 撰

和劑局方之爲書也。可以據證檢方。卽方用藥。不必求醫。不必脩制。尋贖見成丸散。病痛便可安痊。仁民之意。可謂至矣。自宋迄今。官府守之以爲法。醫門傳之以爲業。病者恃之以立命。世人習之以成俗。然予竊有疑焉。何者。古人以神聖工巧言醫。又曰醫者。意也。以其傳授雖的。造詣雖深。臨機應變。如對敵之將。操舟之工。自非盡君子隨時反中之妙。寧無愧於醫乎。今乃集前人已效之方。應今人無限之病。何異刻舟求劍。按圖索驥。冀其偶然中病難矣。

或曰。仲景治傷寒。著三百一十三方。治雜病。著金匱要略曰二十有三門。歷代名方。汗牛充棟。流傳至今。明效大驗。顯然耳目。今吾子致疑於局方。無乃失之謬妄乎。

予曰。醫之視病問證。已得病之情矣。然病者一身。血氣有淺深。體段有上下。臟腑有內外。時月有久近。形志有苦樂。肌膚有厚薄。能毒有可否。標本有先後。年有老弱。治有五方。令有四時。某藥治某病。某經用某藥。孰爲正治反治。孰爲君臣佐使。合是數者。計較分毫。議方治療。貴乎適中。今觀局方別無病源議論。止於各方條述證候。繼以藥石之分兩。脩製藥餌之法度。而又勉其多服常服久服。殊不知一方通治諸病。似乎立法簡便。廣絡原野。冀獲一二。寧免許學士之謂乎。仲景諸方。實萬世醫門之規矩準繩也。後之欲

爲方圓平直者。必於是而取則焉。然猶設爲問難。藥作何應。處以何法。許學士亦曰。我善讀仲景書而知其意。然未嘗全用其方。局方制作。將擬仲景耶。故不揣荒陋。敢陳管見。倘蒙改而正諸。實爲醫道之幸。今世所謂風病。大率與諸痿證。衰同論治。良由局方多以治風之藥。通治諸痿也。古聖論風論痿。各有篇目。源流不同。治法亦異。不得不辨。按風論。風者百病之長。至其變化。乃爲他病。又曰。善行數變。曰。因於露風。曰。先受邪。曰。在腠理。曰。客。曰。入。曰。傷。曰。中。歷陳五臟與胃之傷。皆多汗而惡風。其發明風邪。係外感之病。有臟腑內外虛實寒熱之不同。若是之明且盡也。別無癱瘓痿弱。卒中不省。僵仆喎斜。攣縮眩運。語澁不語之文。新舊所錄治風之方。凡十道。且卽至寶丹靈寶丹論之曰。治中風不語。治中風語澁。夫不語與語澁。其可一例看乎。有失音不語。有舌強不語。有神昏不語。有口禁不語。有舌縱語澁。有舌麻語澁。治大腸風祕。祕有風熱。有風虛。曾謂一方可通治乎。又曰。治口鼻血出。夫口鼻出血。皆是陽盛陰虛。有升無降。血隨氣上。越出上竅。法當補陰抑陽。氣降則血歸經。豈可以輕揚飛竄之腦麝。佐之以燥悍之金石乎。又曰。治皮膚燥痒。經曰。諸痒爲虛。血不榮腠。所以痒也。當與滋補藥以養陰血。血和腠潤。痒自不作。豈可以一十七兩重之金石。佐以五兩重之腦麝香桂。而欲以一兩重之當歸和血。一升之童便活血。一升之生地黃汁生血。夫枯槁之血。果能和而生乎。果能潤澤腠肉之乾瘦乎。又曰。治難產死胎。血脈不行。此血氣滯病也。又曰。治神昏恍惚。久在床枕。此血氣虛弱也。夫治血以血藥。治虛以補藥。彼燥悍香竄之劑。固可以劫滯氣。果可以治血而補虛乎。潤體丸等三十餘方。皆曰治諸風。治一切風。治一應風。治男子三十六

種風其爲主治甚爲浩博。且寒熱虛實判然迥別。一方通治果合經意乎。果能去病乎。龍虎丹排風湯俱係治五臟風而排風又曰風發。又似有內出之意。夫病旣在五臟。道遠而所感深。一則用麻黃三兩以發其表。一則用腦麝六兩以瀉其衛。而謂可以治臟病乎。借曰在龍虎。則有寒水石一斤以爲鎮墜。在排風則有白朮當歸以爲補養。此殆與古人輔佐因用之意合。吁。臟病屬裏。而用發表瀉衛之藥。寧不犯誅伐無過之戒乎。寧不助病邪而伐根本乎。骨碎補丸治肝腎風虛。乳香宣經丸治體虛換腿丸治足三陰經虛。或因感風而虛。或因虛而感風。旣曰體虛。肝腎虛。足三陰經虛。病非輕小。理宜補養。而自然銅半夏葳靈仙荊芥地龍川練烏藥防風牽牛靈脂草烏羌活石南天麻南星檳榔等疏通燥疾之藥。居補劑之大半。果可以補虛乎。七聖散之治風濕流注。活血應痛丸之治風濕客腎經。衛汗以散風。導水以行濕。仲景法也。觀其用藥。何者爲散風。何者謂行濕。吾不得而知也。三生飲之治外感風寒。內傷喜怒。或六脉沉伏。或指下浮盛。及痰厥氣虛。大有神效。治外感以發散。仲景法也。治內傷以補養。東垣法也。誰能易之。脉之沉伏浮盛。其寒熱表裏虛實之相遠。若水火然。似難同藥。痰厥因於寒。或能成功。血氣虛者。何以收救。已上諸疑。特舉其顯者耳。若毫分縷析。更僕未可盡也。姑用寘之忘言。

或曰。吾子謂內經風論。主於外感。其用麻黃桂枝烏附輩。將以解風寒也。其用腦麝葳靈仙黑牽牛輩。將以行凝滯也。子之言過矣。

予應之曰。風病外感。善行數變。其病多實少虛。發表行滯有何不可。治風之外何爲。又歷述神魂恍惚。起

便須人手足不隨。神志昏憤。癱瘓。手足筋衰。眩運倒仆。半身不遂。腳膝緩弱。四肢無力。顫掉拘攣。不語。語澁。諸痿等證。悉皆治之。攷諸痿論。肺熱葉焦。五臟因而受之。發爲痿。心氣熱生脈痿。故脛縱不任。地。肝氣熱生筋痿。故宗筋弛縱。脾氣熱生肉痿。故痺而不仁。腎氣熱生骨痿。故足不任身。又曰。諸痿皆屬於上。謂之上者。指病之本在肺也。又曰。昏惑曰癰。瘰曰瞽。瞽曰暴病。曰鬱。冒曰矇。昧曰暴痞。曰瞽。瘰皆屬於火。又曰。四肢不舉。曰舌本強。曰足痿不收。曰痰涎有聲。皆屬於上。又禮記註曰。魚肉。天產也。以養陽。作陽德以爲倦怠。悉是濕熱內傷之病。當作諸痿治之。何局方治風之方。兼治痿者。十居其九。不思諸痿皆起於肺熱。傳入五臟。散爲諸證。大抵只宜補養。若以外感風邪治之。寧免實實虛虛之禍乎。

或曰。經曰。諸風掉眩。皆屬於肝。諸暴強直。皆屬於風。至於掉振不能久立。善暴僵仆。皆以爲木病。肝屬木。風者木之氣。曰掉。曰掉振。非顛掉乎。曰眩。非眩運乎。曰不能久立。非筋衰乎。非緩弱無力乎。曰諸暴強直。非不隨乎。曰善暴僵仆。非倒仆乎。又曰。瞽。瞽曰瞽。昧曰暴病。曰鬱。冒曰矇。昧曰暴痞。曰瞽。瘰與上文所謂屬肝。屬風。屬木之病相似。何爲皆屬於火。曰舌本強。曰痰涎有聲。何爲皆屬於上。痿論俱未嘗言及。而吾子合火土二家之病。而又與倦怠並言。總作諸痿治之。其將有說以通之乎。

予應之曰。按原病式曰。風病多因熱甚。俗云風者。言末而忘其本也。所以中風而有癱瘓諸證者。非謂肝木之風實甚而卒中之也。亦非外於中風。良由將息失宜。腎水虛甚。則心火暴盛。水不制火也。火熱之氣。拂鬱。神明昏冒。筋骨不用。而卒倒無所知也。亦有因喜怒思悲恐。五志過極而卒中者。五志過熱甚故也。

又原病曰脾之脈連舌本散舌下今脾臟受邪故舌強又河間曰胃膈熱甚火氣炎上傳化失常故津液涌而爲痰涎潮上因其稠黏難出故作聲也一以屬脾一以爲胃熱謂之屬火與土不亦宜乎雖然岐伯仲景孫思邈之言風大意似指外邪之感劉河間之言風明指內傷熱證實與痿論所言諸痿生於熱相合外感之邪有寒熱虛實而挾寒者多內傷之熱皆是虛證無寒可散無實可瀉局方本爲外感立方而以内傷熱證衰同論治其爲害也似非細故

或曰風分內外痿病因熱旣得聞命矣手陽明大腸經肺之腑也足陽明胃經脾之腑也治痿之法取陽明一經此引而未發之言願明以告我

予曰諸痿生於肺熱只此一句便見治法大意經曰東方實西方虛瀉南方補北方此固是就生尅言補瀉而大經大法不外於此東方木肝也西方金肺也南方火心也北方水腎也五行之中惟火有二腎雖有二水居其一陽常有餘陰常不足故經曰一水不勝二火理之必然肺金體燥而居上主氣畏火者也脾土性濕而居中主四肢畏木者也火性炎上若嗜慾無節則水失所養火寡於畏而侮所勝肺得火邪而熱矣木性剛急肺受熱則金失所養木寡於畏而侮所勝脾得木邪而傷矣肺熱則不能管攝一身脾傷則四肢不能爲用而諸痿之病作瀉南方則肺金清而東方不實何脾傷之有補北方則心火降而西方不虛何肺熱之有故陽明實則宗筋潤能束骨而利機關矣治痿之法無出於此駱隆吉亦曰風火旣熾當滋腎水東垣先生取黃蘗爲君黃芪等補藥之輔佐以治諸痿而無一定之方有兼痰積者有濕多

者有熱多者有濕熱相半者有挾氣者臨病製方其善於治痿者乎雖然藥中肯綮矣若將理失宜聖醫不治也天產作陽厚味發熱先哲格言但是患痿之人若不淡薄食味吾知其必不能安全也

或曰小續命湯與要略相表裏非外感之藥乎地仙丹治勞傷腎虛非內傷之藥乎其將何以議之

予曰小續命湯比要略少當歸石膏多附子防風防己果與仲景意合否也仲景謂汗出則止藥局方則曰久服差又曰久病風陰晦時更宜與又曰治諸風似皆非仲景意然麻黃防己可久服乎諸風可通治乎地仙丹既曰補腎而滋補之藥與僭燥走竄之藥相半用之腎惡燥而謂可以補腎乎借曰足少陰經非附子輩不能自達八味丸仲景腎經藥也八兩地黃以一兩附子佐之觀此則是非可得而定矣非吾之過論也

又觀治氣一門有曰治一切氣冷氣滯氣逆氣上氣用安息香丸丁沉香丸大沉香丸蘇子丸勻氣散如神九集香丸白沉香丸煨姜丸鹽煎散七氣湯九痛溫白丸生姜湯其治嘔吐膈噎也用五膈丸五膈寬中散膈氣散酒癥丸草豆蔻丸撞氣丸人參丁香散其治吞酸也用丁沉香丸小理中丸其治痰飲也用倍朮丸消飲丸溫中化痰丸五套丸且於各方條下或曰口苦失味曰噫酸曰舌澁曰吐清水曰痞滿曰氣急曰脇下急痛曰五心中熱口爛生瘡皆是明著熱證何爲率用熱藥夫周流於人之一身以爲生者氣也陽往則陰來陰往則陽來一升一降無有窮已苟內不傷於七情外不感於六淫其爲氣也何病之有今日冷氣滯氣逆氣上氣皆是肺受火邪氣得炎上之化有升無降薰蒸清道甚而至於上焦不納中焦

不化。下焦不滲。展轉傳變。爲嘔。爲吐。爲膈。爲噎。爲痰。爲飲。爲翻胃。爲吞酸。夫治寒以熱。治熱以寒。此正治之法也。治熱用熱。治寒用寒。此反佐之法也。詳味前方。既非正治。又非反佐。此愚之所以不能無疑也。謹按原病式曰。諸嘔吐酸。皆屬於熱。諸積飲痞膈中滿。皆屬於濕。諸氣逆衝。上嘔涌溢。食不下。皆屬於火。諸堅痞腹滿急痛。吐腥穢。皆屬於寒。深契仲景之意。金匱要略曰。胃痺病。胃背痛。括萸薤白湯主之。胃痺心痛。徹背。括萸薤白半夏湯主之。心下痞氣。氣結在胃脇下。上逆搶心者。枳實薤白括萸桂枝湯主之。嘔而心下痞者。半夏瀉心湯主之。乾嘔而利者。黃芩加半夏生姜湯主之。諸嘔吐穀不得入者。小半夏湯主之。嘔吐病在膈上者。豬苓湯主之。胃反嘔吐者。半夏參蜜湯主之。食已卽吐者。大黃甘草湯主之。胃反吐而渴者。茯苓澤瀉湯主之。吐後欲飲者。文蛤湯主之。病似嘔不嘔。似噦不噦。心中無柰者。姜汁半夏湯主之。乾嘔手足冷者。陳皮湯主之。噦逆者。陳皮竹茹湯主之。乾嘔下痢者。黃芩湯主之。氣衝上者。皂莢丸主之。上氣脈浮者。厚朴麻黃湯主之。上氣脈沉者。澤漆湯主之。大逆上氣者。麥門冬湯主之。心下有痰飲。胃脇支滿。目眩。茯苓桂枝湯主之。短氣有微飲。當從小便出之。宜茯苓桂朮甘草湯。腎氣丸亦主之。病者脈伏。其人欲自利。利者反快。雖利心下續堅滿者。此爲流飲欲去。故立甘遂半夏湯主之。病懸飲者。十棗湯主之。病溢飲者。當發其汗。宜大青龍湯。又宜用小青龍湯。心下有支飲。其人若冒眩。澤瀉湯主之。支飲胃滿者。厚朴大黃湯主之。支飲不得息。葶藶大棗瀉肺湯主之。嘔家本渴。今反不渴。心中有支飲故也。小半夏湯主之。卒嘔吐。心下痞。膈間有水。眩悸者。小半夏加茯苓湯主之。假令瘦人。臍下有悸者。吐涎沫而頭眩。

水也。五苓散主之。心胃有停痰宿水。自吐水後。心胃間虛氣滿。不能食。消痰氣。令能食。茯苓飲主之。先渴後嘔。爲水停心下。此屬飲家。半夏加茯苓湯主之。觀其微意。可表者汗之。可下者利之。滯者導之。鬱者揚之。熱者清之。寒者溫之。偏寒偏熱者。反佐而行之。挾濕者淡以滲之。挾虛者補而養之。何嘗例用辛香燥熱之劑。以火濟之火。實實虛虛。各將誰執。

或曰。脈訣謂熱則生風。冷生氣。寒主收引。今冷氣上衝矣。氣逆矣。氣滯矣。非冷而何。吾子引仲景之言。而斥其非。然則諸氣諸飲。嘔吐反胃吞酸等病。將無寒證耶。

予曰。五臟各有火。五志激之。其火隨起。若諸寒爲病。必須身犯寒氣。口得寒物。乃爲病寒。非若諸火病自內作。所以氣之病寒者。十無一二。

或曰。其餘痰氣嘔吐者酸。噎膈反胃作熱。作火論治。於理可通。若病人自言冷氣。從下而上者。非冷而何。

予曰。上升之氣自肝而出。中挾相火。自下而出。其熱爲甚。自覺其冷。非真冷也。火極似水。積熱之甚。陽亢陰微。故見此證。冷生氣者。出高陽生之謬言也。若病果因感寒。當以去寒之劑治之。何至例用辛香燥熱爲方。不知權變。寧不悞人。

或曰。氣上升者。皆用黑錫丹。養正丹。養氣丹等藥。以爲鎮墜。然服之者。隨手得效。吾子以爲熱甚之病。亦將有悞耶。

予曰。相火之外。又有臟腑厥陽之火。五志之動。各有火起。相火者。此經所謂一水不勝二火之火。出於天造。厥陽者。此經所謂一水不勝五火之火。出於人欲。氣之升也。隨火炎上。升而不降。孰能禦之。今人欲借丹劑之重墜而降之。氣鬱爲濕痰。丹性熱燥。濕痰被劫。亦爲暫開。所以清快。丹藥之法。偏助狂火。陰血愈耗。其升愈甚。俗人喜溫。迷而不返。被此禍者。滔滔皆是。

或曰。丹藥之墜。欲降而升。然則如之何則可。

予曰。投以辛涼。行以辛溫。制伏肝邪。治以鹹寒。佐以甘溫。收以苦甘。和以甘淡。補養陰血。陽自相附。陰陽比和。何升之有。先哲格言。其則不遠。吾不贅及。

或曰。吐酸。素問明以爲熱。東垣又言爲寒。何。

予曰。吐酸與吞酸不同。吐酸是吐出酸水如醋。平時津液隨上升之氣鬱積而成。鬱積之久。濕中生熱。故從火化。遂作酸味。非熱而何。其有積之於久。不能自涌而出。伏於肺胃之間。略不得上。嚙不得下。膈表得風寒。則內熱愈鬱。而酸味刺心。膈表溫暖。腠理開發。或得香熱湯丸。津液得行。亦得暫解。非寒而何。素問言熱者。言其本也。東垣言寒者。言其末也。但東垣不言外得風寒。而作收氣立說。欲瀉肺金之實。又謂寒藥不可治酸。而用安胃湯。加減二陳湯。俱犯丁香。且無治熱濕鬱積之法。爲未合經意。予嘗治吞酸。用黃連。菜萸。各製炒。隨時令迭爲佐使。蒼朮。茯苓爲主病。湯浸。炊餅爲小丸吞之。仍教以粗食。蔬菜自養。則病易安。

或曰蘇合香丸。雖是類聚香藥。其治骨蒸殭殍。月閉狐狸等病。吾子以爲然乎。

予曰。古人製方用藥。羣隊者必是攻補兼施。彼此相制。氣味相坎。孰爲主病。孰爲引經。或用正治。或用反佐。各有意義。今方中用藥一十五味。除白朮朱砂訶子共六兩。其餘一十二味。共二十一兩。皆是性急輕竄之劑。往往用之於氣病。與暴仆昏昧之人。其衝突經絡。漂蕩氣血。若摧枯拉朽。然不特此也。至如草豆蔻散。教人於夏月濃煎。以代熱水。夫草豆蔻性大熱。去寒邪。夏月有何寒氣。而欲多服。縮脾飲用草果。亦是此意。且夏食寒。所以養陽也。草豆蔻草果。其食寒之意乎。不特此也。抑又有甚者焉。接氣丹曰。陽氣暴絕。當是陰先虧。陰先虧則陽氣無所依附。遂致飛越而暴絕也。上文乃曰。陰氣獨盛。陰氣若盛。陽氣焉有暴絕之理。假令陽氣暴絕。宜以滋補之劑保養而鎮靜之。庶乎其有台夏食寒以爲養陽之本。何至又服辛香燥熱之劑乎。且此丹下咽。暴絕之陽果能接乎。孰爲是。否。君其筭之。

或曰。局方言陰勝。陰邪盛也。陰邪既盛。陽有暴絕之理。予之所言與陽氣相對待之陰也。果有陰虧而陽絕者。吾子其能救之乎。

予曰。陰陽二字。固以對待而言。所指無定在。或言寒熱。或言血氣。或言臟腑。或言表裏。或言動靜。或言虛實。或言清濁。或言奇偶。或言上下。或言正邪。或言生殺。或言左右。求其立言之意。當是陰鬼之邪耳。陰鬼爲邪。自當作邪鬼治之。若陰先虧而陽暴絕者。嘗治一人矣。浦江鄭兄年近六十。奉養受用之人也。仲夏久患滯下。而又犯房勞。忽一晚正走廁間。兩手舒撒。兩眼開而無光。尿自出。汗如雨。喉如拽鋸。呼吸甚微。

其脉大而無倫次。無部位。可畏之甚。余適在彼。急令煎人參膏。且與灸氣海穴。艾炷如小指大。至十八壯。右手能動。又三壯。脣微動。參膏亦成。遂與一盞。至半夜後。盡三盞。眼能動。盡二斤。方能言。而索粥。盡五斤。而利止。十斤而安。

或曰。諸氣諸飲。與嘔吐吞酸。膈噎反胃等證。局方未中肯綮。我知之矣。然則要略之方。果足用乎。抑猶有未發者乎。

予曰。天地氣化無窮。人身之病亦變化無窮。仲景之書。載道者也。醫之良者。引例推類。可謂無窮之應用。借令略有加減。脩合終難踰越矩度。夫氣之初病也。其端甚微。或因些少飲食不謹。或外冒風雨。或內感七情。或食味過厚。偏助陽氣。積成膈熱。或資稟充實。表密無汗。或性急易怒。火炎上以致津液不行。清濁相干。氣爲之病。或痞或痛。不思食。或噫腐氣。或吞酸。或嘈雜。或膨滿。不求原本。便認爲寒。遽以辛香燥熱之劑。投之數貼。時暫得快。以爲神方。厚味仍前不節。七情反復。相仍舊病。被劫暫開。濁液易於攢聚。或半月。或一月。前證復作。如此延蔓。自氣成積。自積成痰。此爲痰爲飲。爲吞酸之由也。良工未遇。繆藥又行。痰挾瘀血。遂成窠囊。此爲痞爲痛。嘔吐爲噎。膈反胃之次第也。飲食湯液滯泥不行。滲道塞澀。大便或祕。或澀。下失傳化。中焦愈停。醫者不察。猶執爲冷。翻思前藥。隨手得快。至此賓主皆恨。藥欠燥熱。顯伺久服。可以溫脾壯胃。消積行氣。以冀一旦豁然之效。不思胃爲水穀之海。多血多氣。清和則能受。脾爲消化之氣。清和則能運。今反得香熱之偏助。氣血沸騰。其始也。胃液凝聚。無所容受。其久也。脾氣耗散。傳化漸遲。其

有胃熱易饑。急於得食。脾傷不磨。鬱積成痛。醫者猶曰虛而積寒。非尋常草木可療。徑以烏附助佐丹劑。專意服餌。積而久也。血液俱耗。胃脘乾槁。其槁在上。近咽之下。水飲可行。食物難入。間或可入。亦不多。名之曰噎。其槁在下。與胃爲近。食雖可入。難盡入胃。良久復出。名之曰膈。亦曰反胃。大便祕少。若羊矢然。名雖不同。病出一體。要略論飲有六。曰痰飲。懸飲。溢飲。支飲。留飲。伏飲。分別五臟。諸證治法。至矣盡矣。第恨醫者不善處治。病者不守禁忌。遂使藥助病邪。展轉深痼。去生漸遠。深可哀憫。

或曰。千金諸方。治噎膈反胃。未嘗廢姜桂等劑。何吾子之多言也。

予曰。氣之鬱滯。久留清道。非借香熱。不足以行。然悉有大黃石膏竹茹芒硝澤瀉前胡朴硝茯苓黃芩蘆根括婁等藥。爲之佐使。其始則同。其終則異。病邪易伏。其病自安。

或曰。胃脘乾槁者。古方果可治乎。將他有要捷之法者。或可補前人之未發者乎。

予曰。古方用人參以補肺。御米以解毒。竹瀝以消痰。乾薑以養血。粟米以實胃。蜜水以潤燥。姜以去穢。正是此意。張雞峯亦曰。噎當時神思間病。惟內觀自養。可以治之。此言深中病情。而施治之法。亦爲近理。夫噎病生於血乾。夫血陰氣也。陰主靜。內外兩靜。則臟腑之火不起。而金水二氣有養。陰血自生。腸胃津潤。傳化合宜。何噎之有。因觸類而長。曾製一方。治中年婦人。以四物湯加和白陳皮。留尖桃仁。生甘草。酒紅花。濃煎入驢尿飲。以防其或生蟲也。與數十貼而安。又台州治一匠者。年近三十。勤於工作。而有艾妻。且喜酒。其面白。其脉濇。重則大而無力。令其謝去工作。臥於牛家。取新溫牛乳細飲之。每頓進一杯。一晝夜。

可飲五七次盡卻食物以漸而至八九次半月大便潤月餘而安然或口乾蓋酒毒未解間飲甘蔗汁少許。

或者又曰古方之治噎膈反胃未有不言寒者子何不思之甚。

予曰古人著方必爲當時抱病者設也其人實因於寒故用之而得效後人遂錄以爲今式不比局方泛編成書使天下後世之人凡有此證者率遵守以爲之定法而專以香熱爲用也雖然挾寒者亦或有之但今人之染此病率因痰氣久得醫藥傳變而成其爲無寒也明矣。

或曰治脾胃以溫補藥豈非局方之良法耶吾子其將何以議之。

予曰衆言淆亂必折諸聖切恐脾胃有病未必皆寒觀其養脾丸治脾胃虛冷體倦不食嘉禾散治脾胃不和不能多食消食丸治脾胃俱虛飲食不下小獨聖丸治脾胃不和不思飲食大七香丸治脾冷胃虛不思飲食連翹丸治脾胃不和飲食不下分氣紫蘇飲治脾胃不和木香餅子治脾胃虛寒溫中良姜丸曰溫脾胃奪命抽刀散曰脾胃冷燒脾散曰脾胃虛進食散曰脾胃虛冷不思飲食丁香煮散曰脾冷胃寒二姜丸曰養脾溫胃姜合丸曰脾胃久虛蓬煎丸曰脾胃虛弱守金丸曰脾胃虛冷集香丸曰脾胃不和蟠葱散曰脾胃虛冷壯脾丸曰脾胃虛弱人參丁香散曰脾胃虛弱人參煮散曰脾胃不和丁香透膈湯曰脾胃不和丁香五奪丸曰脾胃虛弱膈肭臍丸之壯氣暖腎兔絲子丸之治腎虛金釵石斛丸之治氣不足茴香丸之治臟虛冷玉霜丸之治氣虛安腎丸之治腎積寒麝香鹿茸丸之益氣養正丹之治諸

虛朴附丸之治脾胃虛弱。接氣丹之治真氣虛。四神丹之治五臟。沉香鹿茸丸之治氣不足。椒附丸之溫五臟。茯苓大補丸之治元臟元氣虛。鍾乳白澤丸之治諸虛。三建湯之治氣不足。甚者類聚丹劑。悉曰補脾胃。溫脾胃。補腎補五臟。補真氣。而各方條下曰舌苦曰面黃曰舌苦無味曰中酒吐酒曰酒積曰酒口曰飲酒多曰酒過傷曰氣促喘急曰口淡曰舌澀曰噫醋曰舌乾曰溺數曰水道澀痛曰小便出血曰口苦曰咽乾曰氣促曰盜汗曰失精曰津液內燥曰氣上衝曰外腎痒曰枯槁失血曰口唇乾燥曰喘滿曰肢體煩疼曰衄血曰小便淋瀝。悉是明具熱證。如何類聚燥熱。而謂可以健脾溫胃。而滋腎補氣乎。經曰熱傷脾。常服燥熱。寧不傷脾乎。又曰腎惡燥。多服燥熱。寧不傷腎乎。又曰熱傷元氣。久服燥熱。寧不傷氣乎。又曰用熱遠熱。又曰有熱者寒而行之。此教人用熱藥之法。蓋以熱藥治寒病。苟無寒藥爲之嚮導。佐使則病拒藥。而扞格不入。謂之遠熱者。行之有寒也。兩句同一意。恐後人不識此理。故重言以明之。今局方辛香燥熱。以類而聚之。未嘗見其所謂遠熱也。用熱而不遠熱。非惟不能中病。抑且正氣先傷。醫云乎哉。夫良醫之治病也。必先求其得病之因。其虛邪也。當治其母。實邪也。當治其子。微邪也。當治其所勝。賊邪也。當治其所不勝。正邪也。當治其本經。索矩。又謂雜合受邪病者。所受非止一端。又須察其有無雜合之邪。輕重較量。視標本之緩急。以爲施治之先後。今乃一切認爲寒冷。吾不知脾胃與腎。一向只是寒冷爲病耶。論方至此。雖至愚昧。不能不致疑也。吾又攷之要略矣。諸嘔吐穀不得入者。小半夏湯主之。疝病寒熱不食。食則頭眩。心胃不安者。茵陳湯主之。身腫而冷。胃室不能食。病在骨節。發汗則安。心胃停痰吐

水虛滿不能食者。茯苓湯主之。中風手足拘急。惡寒不欲飲食者。三黃湯主之。下利不欲飲食者。大承氣湯主之。五勞虛極羸瘦不能食者。大黃廬虫丸主之。虛勞不足。汗出而悶。脉結心悸者。炙甘草湯主之。虛勞腰痛。小腹拘急者。八味丸主之。虛勞不足者。大薯蕷丸主之。虛勞虛煩不得眠者。酸棗仁湯主之。夫嘔者胃滿者。吐水者下利者。惡寒者腫而冷者。不能飲食者。虛勞羸瘦者。虛勞汗而悸者。虛勞而腰痛者。虛勞不足者。虛勞煩而不眠者。自局方之法觀之。寧不認爲寒冷而以熱藥行之乎。仲景施治則不然也。痰者導之。熱者清之。積者化之。濕者滲之。中氣清和。自然安裕。虛者補之。血凝者散之。躁者寧之。熱者和之。陰氣清寧。何虛勞之有也。

或曰。傷寒一門。雖取雜方。仲景之法。亦摘取之矣。吾子其忘言乎。

予曰。傷寒之法。仲景而下。發明殆盡。局方是。否。恐不必贅。雖然。仲景論傷寒矣。而未及乎中寒。先哲治胃大寒而昏中者。用附子理中湯而安。其議藥則得之矣。曰傷曰中。未聞有議。其意同之者。予俛而思之。傷寒有卽病。有不卽病。必大發熱。病邪循經而入。以漸而深。中寒則倉卒感受。其病卽發而暴。傷寒之人。因其舊有鬱熱。風寒外束。肌腠自密。鬱發爲熱。其初也用麻黃桂枝輩。微表而安。以病體不甚虛也。中寒之人。乘其腠理疎豁。一身受邪。難分經絡。無熱可發。溫補自解。此謂氣之大虛也。傷寒熱雖甚不死。中寒若不急治。去生甚遠。其虛實蓋可見矣。

或曰。脾胃一門。子以局方用藥太熱。未合經意。若平胃散之溫和。可以補養胃氣。吾子以爲何如。

予曰。蒼朮性燥氣烈。行溫解表。甚爲有力。厚朴性溫散氣。非脹滿實急者不用。承氣用之可見矣。雖有陳皮甘草之甘緩甘辛。亦是決裂耗散之劑。實無補土之品。經謂土氣大過曰敦阜。亦能爲病。況胃爲水穀之海。多氣多血。故因其病也。用之以瀉有餘之氣。使之平爾。又雖察其挾寒得寒物者投之。胃氣和平。便須卻藥。謂之平者。非補之之謂。其可常服乎。

或曰。調胃承氣亦治胃病。謂之調者。似與平胃散之平。意義相近。何用藥之相遠也。

予曰。調胃承氣治熱中。下二焦藥也。經曰。熱淫於內。治以鹹寒。佐以苦甘。功在乎導利。而行之以緩。平胃散止治濕。上焦之藥也。經曰。濕上甚而熱。治以苦濕。佐以甘辛。以汗爲效而止。

或曰。治濕不利小便。非治也。非仲景法耶。何子言之悖也。

予曰。淡滲治濕。以其濕在中下二焦。今濕在上。宜以微汗而解。不欲汗多。故不用麻黃乾葛輩。

或曰。局方用藥。多是溫補。或以爲未合中道。積熱痼冷二門。其制作。其取用。吾子其無以議之矣。

予曰。張仲景言一百八病。五勞六極七傷。與婦人共三十六病。孫真人言四百四病。凡遇一病。須分寒熱。果寒耶則熱之。果熱耶則寒之。寒熱甚耶則反佐而制之。今列病之目。僅十有餘。而分積熱痼冷兩門。何不思之甚也。要略中風脈緊爲寒。浮爲虛。肺痿吐涎不能欬。不渴。必遺溺。此爲肺中冷。甘草乾姜湯溫之。腹滿痛時減如故。此爲寒。宜溫之。下利欲噎不能。此腹中寒也。脇下偏痛。脈弦緊。此寒也。宜大黃附子細辛湯溫之。痰飲脈雙弦者寒也。黃疸發熱。煩喘胃滿口燥。又被火劫其汗。病從濕得。身盡熱而黃。此熱在

內宜下之。下利脈數而渴。設不差。則清膿血。以其有熱也。婦人能食。病七八日而更發熱者。此爲胃實氣熱。宜大承氣下之。產後七八日。若太陽證。小便堅滿。此惡露不盡。不大便。四五日發熱。晡時煩燥。食則妄言。此熱在裏。結在膀胱。宜大承氣利之安。婦人或中風。或傷寒。經水適來適斷。有寒熱者。爲熱入血室。今局方不曾言病。而所謂寒與熱者。其因何在。其病何名。果然雜合所受邪。果無時令資稟之當擇耶。據外證之寒熱而遂用之。果無認假爲真耶。果以是爲非也。

或曰。以寒熱爲篇目。固未合經意。若其諸方果有合乎。

予曰。有積熱爲篇目。固有可議。若諸方之制作。取用儘有妙理。吾其爲子發明前人之意。恐可爲用者。涓埃之助。夫紫雪者。心脾肝腎胃經之藥也。通中散。洗心散。表裏血氣之藥也。涼膈散。心肺脾胃之藥也。龍腦飲子。勝冰丹。真珠散。靈液丹。上中二焦之藥也。碧雷雞蘇丸。三黃丸。八正散。三焦藥也。甘露丸。心脾肝之藥也。涼膈丸。心脾胃之藥也。抱龍丸。麥門冬散。心肺肝之藥也。妙香丸。疏快腸胃。制伏木火藥也。甘露飲。心脾胃藥也。五淋散。血而裏藥也。消毒飲。氣而表藥也。麻仁丸。氣而裏藥也。導赤丸。氣與血而裏藥也。導赤散。心小腸藥也。有升有降。有散有補。有滲導。有驅逐。有因用。有引經。或緩之以甘。或收之以酸。或行之以香。或因之以蠟。或燥之以苦。觀其立方。各有所主。用方之人。宜求其意。若夫痼冷門。尤有可議者。冷卽寒也。內經以寒爲殺厲之氣。今加痼於冷之上。豈非指身惡寒而口喜熱之病耶。若以此外證。便認爲痼冷。宜乎夏英公之常餌烏附。常御綿帳。不知濕痰積中。抑遏陽氣。不得外泄。身必惡寒。經曰。亢則害。承

乃制。又劉河間曰。火極似水。故見此證。當治以鹹寒。佐以甘溫。視標之先後。正邪之虛實。孰緩孰急。爲之正法。何至類用烏附丹劑。僭燥之藥。抱薪救火。屠劊何異。古人治戰慄。有以大承氣湯下之而愈者。惡寒戰慄。明是熱證。亦是因久服熱藥而得之者。但有虛實之分耳。進士周本道。年近四十。得惡寒證。服附子數日而病甚。求余治。診其脈。弦而似緩。遂以江茶入薑汁香油些少。吐痰一升許。減綿大半。又與通聖散。去麻黃大黃芒硝。加當歸地黃百餘貼而安。又一色目婦人。年近六十。六月內常覺惡寒戰慄。喜啖熱御綿。多汗如雨。其形肥臃。厚已得附子二十餘。但渾身痒甚。兩手脈沉澹。重取稍大。知其熱甚而血虛也。以四物湯去川芎。倍地黃。加白朮黃芪。炒藥生甘草。人參。每貼二兩重。方與一貼。腹大泄。目無視。口無言。予知其病熱深而藥無反佐之過也。仍取前藥熟炒與之。蓋借火力爲嚮導。一貼利止。四貼精神回。十貼病全安。又蔣氏婦。年五十餘。形瘦面黑。六月喜熱惡寒。兩手脈沉而澹。重取似數。以三黃丸下以姜汁。每三十粒。三十貼。微汗而安。彼以積熱痼冷爲絀方之篇目。其得失可知矣。

泄痢一門。其用鍾乳健脾丸。朝真丸。駐車丸。呵梨勒丸。大溫脾丸。黃連阿膠丸。胡粉丸。桃花丸。訶梨勒散。木香散。七棗湯。赤石脂散。養臟湯。御米湯。金粟湯。狗頭骨丸。豆蔻丸。肉豆蔻散。三神丸。丁香豆蔻散。止瀉丸。皆用熱藥爲主治。以澁藥爲佐使。當爲腸虛感寒而成滑痢者設也。彼瀉痢者。將無熱證耶。將無積滯耶。內經曰。春傷於風。夏爲膿血。多屬滯下。夫瀉痢證。其類尤多。先賢曰。濕多成瀉。此確論也。曰風曰濕。固不可得而通治矣。況風與濕之外。又有雜合受邪。似難例用澁熱之劑。今方中書證。有兼治裏急者。有兼

治後重者。有兼治裏急後重者。此豈非滯下之病乎。今瀉利與滯下。袞同論治。實實虛虛之患。將不俟終日矣。

或曰。然則瀉痢與滯下。爲病不同。治法亦別。吾子其能通之乎。

予曰。經曰。暴注下迫。皆屬於熱。又曰。暴注屬於火。又下痢清白。屬於寒。熱君火之氣。火相火之氣。寒。寒水之氣。屬火熱者。二屬水寒者。一瀉痢一證。似乎屬熱者多。屬寒者少。詳玩局方。專以熱瀼爲用。若用之於下痢。清白而屬於寒者。斯可矣。經所謂下迫者。卽裏急後重之謂也。其病屬火。相火所爲。其毒甚於熱也。投以瀼熱。非殺之而何。謹按仲景之法。謂下痢脈滑而數者。有宿食當下之。下痢脈遲而滑者。實也。痢爲未止。急下之。下痢脈反滑。當有所去。下之安。下痢不欲食。有宿食者。當下之。痢腹滿痛。爲寒爲實。當下之。下痢腹堅實。當下之。下痢譫語有燥矢。當下之。下痢二部皆平。按之心下堅。急下之。下痢已差。至其時復發者。此爲下未盡。更下之安。下痢脈大浮弦。下之當自愈。風寒下者。不可下。下後心下堅痛。脈遲。此爲寒。宜溫之。脈浮大。此爲虛。強下之故也。設脈浮革者。因而腸鳴。當溫之。下痢脈遲緊痛。未欲止。當溫之。下痢心痛。急當救裏。可與理中。四逆附子輩。下痢大孔痛。宜溫之。觀仲景可下者十法。可溫者五法。謂之下者。率用承氣加減。何嘗以砒丹巴硃。決烈燥熱重毒之劑。謂之溫者。率用姜附爲主。何嘗用鍾乳龍骨石脂。粟殼緊瀼燥毒之劑。

或曰。可下者。豈非腸胃有積滯乎。不用砒丹巴硃。恐積滯未易行也。吾子以爲未然。幸發明承氣之意。

可乎。

予曰。大黃之寒。其性善走。佐以厚朴之溫。善行滯氣。緩以甘草之甘。飲以湯液。灌滌腸胃。滋潤輕快。無所留滯。積行卽止。砒丹巴硃。毒熱類聚。劑成丸藥。其氣凶暴。其體重滯。積垢雖行。毒氣未過。譬如強暴貪賊。手持兵刃。其可使之徘徊顧瞻於堂奧間乎。借使有愈病之功。其腸胃清淳之氣。能免旁損暗傷之患乎。仲景治痢。可溫者溫。可下者下。或解表。或利小便。或待其自己。區別易治。難治。不治之證。至爲詳密。然猶與滯下袞同立方命論。其後劉河間分別在表在裏。挾風挾濕。挾熱挾寒挾虛。明著經絡。隄防傳變。大概發明滯下證治。尤爲切要。和血則便濃自愈。調氣則後重自除。此實盲者之日月。聾者之雷霆也。

或曰。局方治法。將終不能彷彿仲景之方耶。

予曰。圓機活法。內經具舉。與經意合者。仲景之書也。仲景因病以製方。局方製藥以俟病。若之何其能彷彿也。宋命近臣讎校方書。彼近臣者。術業素異。居養不同。焉知爲醫之事哉。雖然。知尊仲景矣。亦未嘗不欲效之也。徒以捧心。效西施爾。觀桃花丸一方。可見矣。卽要略桃花湯也。仲景以治便膿血。用赤石脂。完者。乾薑。粳米同煮。作湯一飲。病安。便止。後藥。意謂病屬下焦。血虛且寒。非乾薑之溫。石脂之澁。且重不能止血。粳米味甘。引入腸胃。不使重澁之體。少有凝滯。故煮成湯液。藥行易散。餘毒亦無。局方不知深意。不造妙理。但取易於應用。喜其性味溫補。借爲止瀉良方。改爲丸藥。劑以麵糊。日與三服。其果能與仲景之意合也。

或曰河間之言滯下似無挾虛挾寒者然乎否乎幸明以告我。

予曰泄痢之病水穀或化或不化並無勞責惟覺困倦若滯下則不然或膿或血或膿血相雜或腸垢或無糟粕或糟粕相混雖有痛不痛大痛之異然皆裏急後重逼迫惱人攷之於經察之於證似乎皆熱證實證也。余近年涉歷亦有大虛大寒者不可不知敢筆其略以備采覽。余從叔年踰五十夏間患滯下病腹微痛所下褐色後重頻併穀食大減時有微熱察其脈皆弦而濡似數而稍長卻喜不甚浮大兩手相等視其神氣大減余曰此非滯下憂慮所致心血虧脾氣弱耳遂與參朮爲君當歸身陳皮爲臣川芎炒白芍藥茯苓爲佐使時暄熱甚加少黃連與兩日而安梅長官年三十餘奉養厚者夏秋間患滯下腹大痛有人教服單煮乾薑與一貼痛定少頃又作又與又定由是服乾姜至三斤八日後予視之左脈弦而稍大似數右脈弦而稍大減亦似數重取之似緊余曰此必醉飽後喫寒冷太過當作虛寒治之因其多服乾姜遂教四物湯去地黃加人參白朮陳皮酒紅花茯苓桃仁煎入生姜汁飲之至一月而安金氏婦年近四十秋初尙熱患滯下腹但隱痛夜重於晝全不得睡食亦稍減口乾不飲已得治痢靈砂二貼矣余視之兩手脈皆濡且不勻神思倦甚飲食全減因與四物湯倍加白朮爲君以陳皮佐之與十數貼而安此三病者若因其逼迫而用峻劑豈不悞人。

或曰局方諸湯可以清痰可以消積可以快氣可以化食口鼻旣宜胃膈亦紓平居無事思患預防非方之良者乎。

予曰。清香味。誠足快意。揆之造化。恐未必然。經曰。陰平陽祕。精神乃治。氣爲陽宜降。血爲陰宜升。一降一升。無有偏勝。是謂平人。今觀諸湯。非豆蔻縮砂乾姜良姜之辛。宜於口。非丁香沉檀蘇桂之香。宜於鼻。和以酸醎甘淡。其將何以悅人。奉養之家。閑佚之際。主者以此爲禮。賓朋以此取快。不思香辛升氣。漸至於散。積溫成熱。漸至鬱火。甘味戀膈。漸成中滿。脾主中州。本經自病。傳化失職。清濁不分。陽亢於上。陰微於下。謂之陰平可乎。謂之陽祕可乎。將求無病。適足生病。將求取樂。反成受苦。經曰。久而增氣。物化之常。氣增而久。天之由也。其病可勝言哉。

或曰。舍利別非諸湯之類乎。其香辛甘酸。殆有甚焉。何言論弗之及也。

予曰。謂之舍利別者。皆取時果之液。煎熬如飴。而飲之稠之。甚者調以沸湯。南人因名之曰煎。味雖甘美。性非中和。且如金櫻煎之縮小便。杏煎楊梅煎蒲桃煎櫻桃煎之發冒火。積而至於久。濕熱之禍。有不可勝言者。僅有桑椹煎無毒可以解渴。其餘味之美者。並是嬉笑作罪。然乎否乎。

或曰。婦人一門。無非經候胎產帶下。用藥溫暖。於理頗通。吾子其無忘言乎。

予曰。婦人以血爲主。血屬陰。易於虧欠。非善調攝者。不能保全也。餘方是否。姑用置之。若神仙聚寶丹。則有不能忘言者。其方治血海虛寒。虛熱盜汗。理宜補養。琥珀之燥。麝香之散。可以用乎。面色痿黃。肢體浮腫。理宜導濕。乳香沒藥固可治血。可以用乎。胎前產後。虛實不同。逐敗養新。攻補難並。積塊堅癥。赤白崩漏。宜於彼者。必妨於此。而欲以一方通治乎。世人以其貴細溫平。又喜其常服。可以安神去邪。令人有子。

殊不知積溫成熱。香竄散氣。服者無不被禍。自非五臟能言。醫者終不知覺。及至變生他病。何曾歸咎此丹。余姪女形色俱實。以得子之遲。服此藥。背上發癰。證候甚危。余診其脈。散大而濇。急以加減四物湯百餘貼。補其陰血。幸其質厚。易於收斂。質之薄者。悔將何及。若五積散之治產後餘血作痛。則又有不能忘言者。以蒼朮爲君。麻黃爲臣。厚朴枳殼爲佐。雖有芍藥當歸之補血。僅及蒼朮三分之一。且其方中言婦人血氣不調。心腹撮痛。閉而不行。並宜服之。何不思產後之婦。有何寒邪。血氣未充。似難發汗。借曰推陳致新。藥性溫和。豈可借用麻黃之散。附以蒼朮枳麻。虛而又虛。禍不旋踵。率爾用藥。不思之甚。

或曰。初產之婦。好血已虧。瘀血尙留。黑神散非要藥歟。

予曰。至哉坤元。萬物資生。理之常也。初產之婦。好血未必虧。汚血未必積。臟腑未必寒。何以藥爲。飲食起居。勤加調護。何病之有。誠有汚血。體怯而寒。與之數貼。亦有簡便。或有他病。當求病起何因。病在何經。氣病治氣。血病治血。寒者溫之。熱者清之。疑者行之。虛者補之。血多者止之。何用海製此方。不恤無病生病。彼黑神散者。用乾姜當歸之溫熱。黑豆之甘。熟地黃之微寒。以補血之虛。佐以炒蒲黃之甘。以防出血之多。芍藥之酸寒。有收有散。以爲四藥之助。官桂之大辛熱。以行滯氣。推凝血。和以甘草之緩。其爲取用。似乎精密。然驅逐與補益。似難同方施治。設有性急者。形瘦者。本有怒火者。夏月坐蓐者。時有火令。姜桂皆爲禁藥。論語未達之戒。不知誰執其咎。至於將護之法。尤爲悖理。肉汁發陰經之火。易成內傷之病。先哲具有訓戒。胡爲以羊雞濃汁作糜。而又常服當歸丸。當歸建中湯。四順理中丸。雖是滋補。悉犯桂附乾姜。

僭熱之劑。臟腑無寒何處消受。若夫兒之初生。母腹頓寬。便啖雞子。且喫火鹽。不思雞子難化。火鹽發熱。展轉爲病。醫者不識。每指他證。率爾用藥。寧不悞人。余每見產婦之無疾者。必教以卻去黑神散。與夫雞子火鹽諸般肉食。且與白粥將理。間以些少石髓。養令甘淡食之。至半月以後。方與少肉。若雞子亦須豁開淡煮。大能養胃卻疾。彼富貴之家。驕恣之婦。卒有白帶頭風氣痛。膈滿痰逆。口乾經水不調。髮脫體熱。皆是陽勝陰虛之病。天生血氣。本自和平。曰勝曰虛。又因知非此等繆妄。有以啓之耶。



方名類雜

詳不人撰

本館據濟生拔萃
本影印初編各叢
書僅有此本

雜類名方藥目錄 濟生拔粹卷第十九

騏驎竭散

虎骨丸

如聖散

清膈湯

增損防風通聖散

防己黃耆湯

交解飲子

木香分氣丸

藿香安胃散

流氣飲子

大枳殼丸

木香檳榔丸

奪命丹

接骨丹

神聖膏

紅鉛散 疳

固真丹

疳藥

蒼金砂散 丁瘡

蟾光膏 目疾

搽牙藥

破傷方

益智湯

取丁瘡藥經効

勻氣散

復堅散瘡

三和丸

神應散牙疼

善應膏

通頂散

刀剪藥

金沙流濕丸

三脫痞氣丸

二十八宿散

治犬疥方

治疥癬

桃紅散

烏金散

頰下核不消方

治甜瘡

發散瘡腫方

五痺散

赴筵散

玉壺散癩

咽痛方

如聖散吹妳

治風狗傷

藥蛆方

治膝瘡

祛風至寶丹

起死神應丹

諸惡瘡方

治破傷風將死

獨聖散

常山散

三和湯

浴疥癬方

治血疔

沉香尊重丸

神人阿魏散

救苦黃耆散

受拜平胃散

獨活散

導水丸

下劑

治大頭喉痺散

當歸散

血崩

蓮殼散

治喉痺方

防風通聖散

萬應針頭丸

軀瘡丹

桃仁煎丸

諸積

雜類名方藥目錄

濟生拔粹卷第十九

雜類名方

麒麟竭散

治寒濕搏於經絡疼痛不可忍

血竭

南乳香

沒藥

白芍藥

當歸

各陸分

水蛭

并碎炒令烟盡

麝香

虎脛骨

酥炙黃五分

右八味為細末和勻每服三錢溫酒調下食前

虎骨丸

治經絡凝滯骨節疼痛筋脉挛急遇陰寒愈痛

南乳香

另研

沒藥

赤芍藥

熟地黄

虎脛骨

酥炙黃

當歸

各壹兩

血竭

五分

右為末用木瓜一枚切破去子入乳香末在內以麻纒纏定勿令透氣好酒二升煮至酒盡取木瓜去皮研如泥更入熟蜜少許杵和為丸如桐子大每服五十九病在上食後在下食前溫酒下

如聖散

治時氣纏喉風漸入咽塞水穀不下牙關緊急不省人事

雄黃

細研

白礬

飛

藜蘆

去皮用心生用

猪牙皂角

黃去皮炙

右等分爲細末每用一豆許吹鼻內立効

清膈湯

治風熱化痰利咽膈清頭目消瘡疹

甘草

炒

芫荽根

桔梗

紫蘇葉

各貳兩

雞蘇葉

壹兩半

荆芥穗

四兩

黍粘子

陸兩炒淨

右爲細末每服一二錢食後臨睡白湯點服

增損防風通聖散 治鼻塞不利肺氣不和

黍粘子

桔梗

桑白皮

紫苑

皆已上各半兩

荆芥穗

四兩

甘草

貳兩已上各生用

右爲麤末防風通聖散各一半和勻每服八錢水一盞半入

生姜五片同煎去滓溫服食後

防已黃耆湯 治風濕相搏客在皮膚一身盡重四肢少力關節煩疼自汗洒淅惡風不欲去衣及風水客搏腿脚浮腫上輕下重不能屈伸

防已

四兩

黃耆

五兩

甘草

貳兩

白朮

參兩

右爲麤末每服二錢水一盞半生薑三片棗一枚同煎至一盞去滓稍熱服不計時候蓋覆溫卽汗出差

交解飲子

治瘧疾辟瘴氣神効

肉豆蔻

草豆蔻

各二個一個用水和

厚朴

一寸半生薑汁

炙

甘草 大者二寸一半

生薑

二塊如棗大一塊用濕紙裹煨熟一塊生用

右各咬咀同勻每服分一半用水一椀煎至一大盞去滓溫

服空心

木香分氣丸

善治脾胃不和心腹脹滿兩脇膨脹膏膈注悶痰

嗽喘息醋心乾嘔咽喉不利飲食不化並皆治之大有効

木香

檳榔

青皮

去白

陳皮

去白

荆三稜

濕帶裹

煨香

姜黃

玄胡

蓬莪茂

炮

乾生姜

當歸

白朮

赤茯苓

去皮

肉豆蔻

枳殼

麸炒

秋冬加丁香

妙

右為細末用白麵糊為丸小豆大每服三五丸生薑湯下

忌生茄馬齒

藿香安胃散治嘔吐不止

藿香葉

春兩

半夏

洗兩

陳皮

去白兩

厚朴

壹兩

蒼朮

叁兩

泔浸

甘草

貳兩

右為麩末每服五錢水一盞半生薑五片棗二枚同煎去滓

溫服

流氣飲子 治男子婦人五藏不調三焦氣壅心曾痞滿噎塞不通腹脇膨脹嘔吐不食又治上氣喘急咳嗽涎盛面目虛浮四肢腫痛大便秘澁小便不通及治憂思太過致陰陽之氣鬱結不散壅滯成痰又治傷寒繞臆得疾服此升降陰陽汗出立愈又治脚氣腫滿疼痛喘急腹脹氣攻肩背脇肋走注疼痛並皆治之

紫蘇葉

青皮

去白

當歸

洗

芍藥

烏藥

茯苓

桔梗

半夏

洗

甘草

炙

川芎

黃耆

枳實

麸炒

防風

已上各半兩

陳皮

去白七分半

木香

貳分

檳榔

枳殼

麸炒

大腹子

剉姜汁浸一宿焙各伍分

右以咀

每服秤半兩水一盞

半生薑三片棗一枚

同煎去滓

熱服

如心脾病入芎藭五片同煎

如婦人血氣病入艾同煎

如傷寒頭痛發熱咳嗽入連翹蔥白三寸同煎

如五膈氣病入陳皮少許同煎

如心中怔忡入麥門冬數粒同煎

如藏府利入粳米一撮同煎並不拘時候或虛搗篩亦可

大枳殼丸

治一切酒食所傷胃膈痞悶脇肋脹痛心腹疼痛飲

食不消痰逆嘔吐噫醋吞酸飲食遲化並宜服之

枳殼麩炒

茯苓去皮

白朮

厚朴姜製

半夏湯洗

人參

木香

青皮

陳皮二味

京三稜煨熟

檳榔

廣茂煨熟

神麴炒黃

麥蘖微炒

已上各壹兩

乾生薑兩半

牽牛炒

大黃各貳兩

各貳兩

右爲細末生薑汁面糊爲丸桐子大每服一百丸生薑湯下食後

木香檳榔丸 治食傷大陰

木香

檳榔

青皮

陳皮

廣茂燒

黃連

枳殼麩炒已

黃蘗

大黃各參兩

香附子炒

牽牛各四兩

婦人加當歸壹兩

右爲細末水丸如桐子大每服二十九食後生薑湯下

奪命丹 治丁瘡發惡心及諸惡瘡

蟾酥半斤

朱砂參不

輕粉半斤

枯白礬壹斤

寒水石壹斤

銅綠壹斤

麝香壹字

海羊二十個另研

即蝟牛也

右件爲細末將海羊另研爲泥就藥一處丸如菉豆大如丸不就加好酒成之病輕者一九二九重者二九未効再服

藥法先嚼生葱白一大口極爛置手心放藥九于葱內裹合以熱酒送下暖處卧汗出為効忌冷水

接骨丹

金 半兩錢一文 燒紅醋蘸淬如无古老錢代

木 當歸 藿香葉 各壹分

水 水蛭 叁分同糯米炒紫色為度 血竭 壹分

火 虎骨 壹分酥炙 綿 貳分燒灰 血餘 貳分微炒焦即兒孩兒胎頭也

土 乳香 麝香 沒藥 各壹分

右為細末另裹若損折甚者每服三錢輕者每服二錢半如有損折者除蛭錢服藥時令病人先飲好酒三五錢服後更飲二三盞次用紙裹以繩穿板子縛之

神聖膏 治瘰癧一切惡瘡

當歸

半兩

杏仁

九個

麝香

壹兩

木鱉子

五個

黃丹

叁兩

乳香

四錢

麝香

鷹調

輕粉

已上三味不以多少

桃柳枝

各長叁寸各計四十九枝

右用小油半斤以綿裹當歸杏仁木鱉子桃柳枝於沙石器內文武火熬却用一枝鹿槐稍縛短嫩枝撻之藥焦取出不
用乃離火下黃丹歷青撻勻再上火少時滴水散為度
勿令傷火軟了硬了俱不中後入乳香麝香輕粉鷹調畢傾
在水盆內凝滯

紅鉛散

治走馬牙疳

綠礬

不以多少

相礬色鮮明者入甘鍋用炭火燒鍋赤傾出以好酒洒拌勻
再入鍋如此數遍色紅研作細末入麝香少許先以溫漿水

嗽淨用指蘸藥有疔處貼之

固真丹

沉香

丁香

木香

茴香炒

人參

當歸微炒

滑石各半

乳香另研

沒藥另研

乾胭脂另研

半為衣

琥珀另研

川山甲蛤粉炒

木通頭末

全蝎微炒

代赭石水飛

五

乾蓮心微炒

式半

燈草冬

桑螵蛸炒或酥

灸

半

麝香另研

血竭另研

同川山甲搗

腥腦臍一對

酒浸

酥灸

蛤蚧乙對

去頭

火校草酒蜜酒九

曝

晚蚕蛾

青蜓各五

灸

右為細末於辰火日合醋浸餅為丸如櫻桃大每服二三

丸溫酒送下空心忌猪羊血蒜騎馬服訖乾物壓之

呪曰

三祝然後合之

北海冷冷雲浪如銀三江四海盡入

藥中能實骨髓能養精神誅殺鬼魅永保遐齡急急如律
令奉勅攝

膏藥 治偏頭疼眼疾

蒼耳道人頭

薄荷葉

益硝

石膏

各壹分 亂文者水飛

乳香

華細辛

貫芎

各半分

右爲極細末晨午夕三時噉之

蒼金砂散 取丁瘡

道人頭

微炒存性壹兩

硃砂

半

雄黃

半

加蟾酥

不以多少尤妙

右將瘡四圍刺破以小油調藥末置於瘡內緋帛封之數日
丁自出如瘡入腹嘔逆者煎道人頭濃汁飲之

瞻光膏

治遠年病目不通道路退去雲膜須用臈月成閉日合

白砂蜜

四兩色白者妙用隔年葱一根去須皮切短与蜜一同熬去白膜觀葱軟熟爲度以綿濾淨放定用

帝取
蠟面

黃丹 冬水飛生用
蜜陀僧 冬水飛生用

盧甘石 火煅過秤。已上冬味熟研極細重羅賦末傾入
五冬水飛。前蜜中挑柳无節病者各一枝攪勻

當歸 赤芍藥 杏仁 湯去皮尖已上
三味各五分 黃連 去芦頭并
艾淨秤式兩

川芎 半兩 秦皮 呵子皮 防風 石膏

玄精石 黃背文者妙 井泉石 無名異 玄參

代赭石 石決明 已上十味各冬子咬咀用雪水或長流
河水五升於銀器內熬至式升搗去滓

單再熬至壹升將一十五味熬至壹升藥水內才傾入放
下的藥蜜一同銀器內慢火熬藥紫金色時再添入後藥

勿令
過火 乳香 沒藥 琥珀 朱砂 另飛

麩仁 帶皮秤三冬去皮用仁

已上五味各三錢前四味先乾研爛後入麩仁水飛一同研

細折澄有滓再水飛澄清再水飛才傾入前紫金色藥內一

同復熬一二沸以筋點藥滴於水中不散為度大抵勿令過

與不及取下於土中埋七日取出置於銀器盒中或磁器中如法收貯便再添入後細藥傾入藥時亦用挑柳枝攪勻

南鵬砂 珍珠

龍腦

珊瑚枝已上四味各壹分

麝香半分

右件五味熬研極細亦以挑柳枝攪勻傾入前藥中復攪勻然後以紙封器盒口旋旋取用元盛藥器盒中如有取不盡藥用淨水斟酌洗滌却將渣藥水熬三五沸另行收拾或洗點眼或膏子藥稠了時傾入些小調解 右用桑柴燒 計二十九味

漆牙藥

細辛

香白芷

滑石

縮砂仁

川芎

已上各參分

金縷礬

五分 膽礬

六分

麝香

半分

上品茶

壹兩半

右爲細末臨卧搽之

治破傷見血酒一椀煎服

半兩當歸蠟二錢

合衆搥碎酒同煎

直須軟爛連相喫

一切傷瘡保萬全

益智湯

乾生薑

四兩

杏仁

壹斤

白麵

叁斤

甘草

七兩

鹽

三兩

益智仁

叁兩

京三稜

壹兩

青皮

陳皮

各貳兩

蓬莪茂

壹兩

右爲極細末白湯點服

取丁瘡藥

金効

雄黃

礞砂

各壹分

蟾酥

金脚信

各半分

右爲細末刺破紐之

加輕粉

半分

巴豆

壹十個

生用

白氣散

治氣痞痛脹噎嘔吐等證

丁香 壹兩 藿香葉 四兩 甘草 四兩 木香 白豆蔻仁 壹兩

縮砂仁 貳兩 檀香 壹兩

右為極細末入鹽少許沸湯點服無時

復堅散 治瘡

太陽本經 獨活 半斤 羌活 壹斤 防風 半斤 藁本 壹斤半

調經中血氣 黃芩 生地黃 知母 各壹斤

黃連 黃蘗 各壹斤半已上

散瘡結聚 防風稍 半斤 當歸身 連翹 各叁斤

益元氣瀉火於三焦 黃耆 壹斤 人參 半斤

甘草 壹斤 生甘草稍 半斤 瀉腎間火補下焦元氣

補胃 橘皮 半斤

除膀胱留熱 漢防已 半斤 澤瀉 七分助秋去

舟楫

桔梗壹斤

右以咀作二服水三盞浸半日煎至一盞去滓稍熱服將一服滓更作一服服藥後不得飲冷水恐再作膿

三和丸治三焦不和氣不升降心腎痞悶脇肋刺痛

枳實麩炒 檳榔

半夏湯洗各參兩 木香

青皮去白

陳皮去穢 丁香

赤茯苓去皮 蘿蔔子

白朮各壹兩半

廣茂參兩 沉香

桂去麩皮 藿香葉

白豆蔻仁各壹兩

黑牽牛壹斤微炒取頭末半斤

京三稜四兩

右為細末酒糊為丸桐子大每服三五十九生薑湯下

神應散 搽治牙疼

川芎

防風

升麻

細辛

茯苓

白芷

香附子

蔓撥

甘松各等分

石膏比已上加三倍

右用水五升慢火煮乾搗作餅子曬乾再焙搗為極細末每服二錢入鹽少許點服如泄瀉每服二錢姜五片烏梅二個鹽少許水一大盞煎至八分溫服

獨活散 清頭目陽明邪攻注眼目牙齒斷肉腐痛兼治偏頭痛

攻注眼目 院方

川芎

獨活

羌活

防風

各半兩

華細辛

貳分

荆芥

鄆薄荷

生地黃

各叁分

右為末水煎去滓食後

單水丸 下劑

大黃

黃芩

各貳兩

滑石

四兩

黑牽牛

四兩另取頭未用

加甘遂

壹兩

去濕熱腰痛泄水濕腫滿久雨則加依法製用

加白芥子

壹兩

去遍身走注痲痛

右為細末噙水啗之

刀剪藥

石灰

壹斤千年者

龍骨

四兩

刺蘗

壹小束

右於五月五日早晨搗為泥作餅子放乾用

金砂流濕丸

治男子婦人雜證及風濕酒濕

木通

壹兩

澤瀉

壹兩

木香

壹兩

白茯苓

去皮

大黃

去皮各壹兩半

滑石

五兩

海金沙

五兩

牽牛頭末

五兩

郁里仁

壹兩

右為細末滴水丸桐子大每服五十九至八十九生薑湯下

忍濕麩

如小便不通灯草湯下

如傷酒生薑湯下

酒疸食黃羅葡萄湯下

痢疾高良姜湯下

婦人血氣不調當歸湯下

肢節疼痛温酒下

心痛者韭根湯下

膈氣枳實湯下

中風槐角湯下

三脫痞氣丸

治三焦痞滯氣不升降水飲停積不得流行脇下

虛滿或時刺痛並宜服之

木香

青皮

去白

陳皮

去白

京三稜

炮

白豆蔻仁

各壹兩

大腹子

七分半

半夏

湯洗七次貳兩

縮砂仁

檳榔

沉香

各半兩

右爲細末水麵糊和丸如桐子大每服五十九陳皮湯下

下八宿散

治遠年日近發牙痛

在元戎方

丁香

葶撥

大椒

蝎稍

已上各七個

右爲末用津蘸搽痛處効

治天疥

栝油不以多少鐵器內熬次下鵝鴿糞雞糞細末同

和加小油少許搽之

治人疥癬

以臍猪脂不以多少同生白礬杏仁少加輕粉搗

爛擦之

桃紅散

貼瘡生肌止痛

張正卿傳

滑石 壹兩

赤石脂

參黃丹 貳分

同為細末乾貼

烏金散 貼惡瘡疔瘻

椽子二个内一个實黃丹一个實以白礬末相合定用黑消麻皮纏了火内燒研細加麝香少許洗淨瘡貼之

治頰下結核不消經効

大肚蜘蛛不以幾個以好酒浸了研爛同浸的酒去滓溫熱臨卧服之

治甜瘡

大棗去核實以綠礬火燒微存性研細貼之如瘡乾

以小油調塗

諸瘡腫痛不可忍者以葵花根去黑皮搗爛若稠點并花水少許若不稠不須用水以紙花如膏藥貼之立効

治五種喉痺

五痺散

在元戎內

大黃

白殭蚕

炒各等分

右爲末每服五錢生姜自然汁蜜各半盞一匙調服以利爲度

赴庭散

治舌上口瘡不能食

銅綠

半兩研

香白芷

壹兩末

右拌勻摻舌上溫醋嗽立愈

玉壺散

治三種癭

海藻

海帶

昆布

雷丸

各壹兩

青鹽

廣茂

各半兩

右等分爲細末陳米飲爲丸榛子大嚙化以煉蜜和丸亦好

治咽喉關太師傳

薄荷壹兩紫荷車兩半甘草叁分炙

右爲細末煉蜜爲丸彈子大臨臥嚙化

如聖散

治惡瘡背腦疽寒癰吹妳打撲損傷並治之

甘草壹兩半生熟皂角叁分燒存性去皮絃秤用

右爲細末每服三錢熱酒調下無時

治風狗傷 口嚙漿水洗淨以乾姜末塗貼 又方以吮去血

漿水洗畢紙上炒黃丹赤色貼之

藥蛆方 以皂礬飛過乾貼其中即死

治膝瘡趙舍傳

以葱漿水洗淨帛淹去膿囊厚貼輕粉了上用蝸牛不以多
少搗爛作膏藥貼定瘡可自落

祛風至寶丹治諸風熱等證

防風壹兩半 石膏壹兩 川芎貳兩半 滑石叁兩 當歸貳兩半

芍藥壹兩半 甘草貳兩 大黃半兩 白木壹兩半 連翹半兩

荊芥穗五兩 薄荷葉半兩 麻黃半兩 山梔子六兩

黃芩壹兩 芒硝半兩 桔梗 熟地黄 天麻

人參 羌活 獨活各壹兩 黃連 黃蘗

細辛各半兩 全蝎五兩

右為極細末煉蜜為丸彈子大每服一九細嚼茶酒任下臨

卧

起死神應丹治風癱瘓四肢不舉手足麻痺等證汗劑也

麻黃五斤 去根節河水叁斗沙鍋內熬數十沸 去滓再熬成膏至半碗 甘松

蒼朮 桑白皮 吳白芷 浮萍草 川芎

苦參已上各叁兩

右同爲細末用麻黃膏子爲劑九如彈子大每服一九溫酒一大盞研化臨卧服於不透風处睡汗出爲度隔五七日再服一九大有神効不可具述

采浮萍草法

不在山不在岸採我之時七月半選甚癱風与瘰風些小微風都不算豆淋酒内下三錢鐵鑊頭上也出汗馬書史傳

治諸惡瘡初得發汗

槐花不以多少

皂角棘針不以多少挫碎

右將二味熬三五十沸用胡桃一个一生一燒存性細嚼以前槐花水送下可半椀許不過三五服見効

治破傷風將欲死者

川烏頭生 天南星生 半夏生 天麻去芦各等分

右爲細末每服一錢豆淋酒調下稍溫服次用酒二盞投之
若牙際幹開嚙之但藥得下無不活者

吐劑獨聖散

芫蒂

不以多少剉細微炒

右爲細末蘘汁調下 脇痛加全蝎 頭痛加蔚金
好茶中停爲茶調散

常山散吐瘧

常山

貳兩水煎曝乾

甘草壹兩半

水煎服空心

三和湯

以四物湯涼膈散當歸各中停水煎服

浴遍身瘡疥及厲風

以滾鹽水浴之極妙宋夏大尉用此良愈

治血疝

川練子

七個炮

爲細末空心酒調下屢効

大沉香專重丸

治蠱脹腹滿水腫遍身仰滿氣逆嘔喘乏小

便赤澁大便不調一切中滿下虛危困病證其効不可具述

沉香

丁香

人參

檳榔

車前子

苦葶藶

各貳分

青皮

去白

陳皮

去白 枳實 麸炒

白牽牛

木通

各四分

胡椒

木香

海金沙

蝎尾

去毒

赤茯苓

白豆蔻

各貳分半

蘿蔔子

六分炒

白丁香

壹分半

滑石

叁分

郁里仁

湯浸去皮壹兩貳分半

右爲細末生薑自然汁爲糊丸如桐子大生薑湯下日三忌

薑魚麵等

神人阿魏散

遺山傳

治骨蒸傳尸等勞寒熱羸劣困倦喘嗽

右阿魏

叁分

研青蒿

壹握

細切東北桃枝一握細剉甘草如

病人中指許大男左女右以童子小便二升半隔夜浸藥明
旦煎取一大升空心溫服分爲三服進次服調攪榔末二錢
如人行十里更一服丈夫病婦人煎婦人病丈夫煎合藥時
忌孝子孕婦病人及腥穢物雞犬等後忌油膩濕麵生冷硬
物服至一二劑即吐出虫子或泄瀉更不須服余藥若未吐
利即當盡服病在上即吐在下即利皆出虫如馬尾人髮即
差萬金良藥可以當之

服藥後逐去諸疾五藏虛弱魂魄不安即以白茯苓湯補之

白茯苓壹斤

人參叁斤

遠志叁斤

龍骨叁斤

防風各貳斤

甘草叁斤

犀角末伍斤

生地黃肆斤

大棗七枚

麥門冬肆斤

去心

右以水二大盞煎作八合分三服溫服如人行五里一服仍
避風寒若竟未安隔日更作一劑已上兩藥須連服之

救苦黃耆散

治諸惡瘡癰癤

張郎中傳

黃耆

甘草

當歸

芫薺根

芍藥

各等分 壹兩五分

懸菴

壹對

熟地黄

不以多少

金銀花

兩

皂角 棘針 爲引

右咬咀每服五錢無灰好酒一升同引子裝於磁瓶內將瓶用筍葉封坐於鍋內上以大盆覆鍋口盆外用黃土封之母令出氣煮之外間藥香爲度取出瓶澄定飲清將藥滓再添酒一升依前煮服若不飲酒者以水煮服若酒少者酒水各半煮服瘡在上食後臨卧在下空心服之神効

受拜平胃散

治脾胃不和 噯氣咽塞 嘔吐酸水 氣刺氣悶 脇肋

虛脹腹痛 腸鳴膏膈 閉滯寬中 進食

川厚朴

炙甘草

陳皮

生薑

各叁兩 四兩和皮切

蒼朮

五兩 廿浸 去皮切

棗

一百个 去核切

右為細末每晚臨卧刷牙以指蘸搽熱麻嗽去常用牢牙

去風

善應膏

當歸

白芨

桂

白斂

白芷

木鱉子仁

杏仁

各壹兩判如豆丹貳斤

油五斤

乳香

亂髮灰

沒藥

各半兩

加黃耆

叁分

當歸稍叁瀝青

少許

右先將藥油內煎令焦黃濾去滓再煎清油沸下丹濕柳木
篦子不住手撓熬六時辰滴於水中成圓珠子住火入沒藥
乳香黃耆當歸稍末撓勻瓷盒內收貯

扁頂散 嚏藥

石膏

川芎

赤小豆

芫蒂

各壹分

藜蘆

少許

加朴硝

壹兩

退熱散腫毒止痛久旱則加

加郁里仁

壹兩

散結滯通關節潤腸胃行滯氣通血脈

加樟柳根

壹兩

去腰腿沉重

右爲細末滴水爲丸如桐子大每服五七十九或加至百丸

臨卧溫水下

治大頭病兼治喉痺

人間治疫有仙方

一兩疆蚕一大黃

姜汁爲丸如彈大

井花調蜜便清涼

當歸散治血崩

當歸

壹兩

龍骨

壹兩

香附子

參子炒

右爲細末空心米飲調下四錢忌油膩等物

蓮殼散治血崩

椶毛灰 半兩

乾蓮蓬

燒灰存性

棕櫚皮及毛

燒灰各半兩

香附子

叁分炒

右為細末每服四錢空心米飲調下

治喉痺并時疫毒

桔梗

甘草

升麻

連翹

黍粘子

防風

酒製黃芩

右咬咀每服五錢水煎細嚥

防風通聖散

防風

川芎

當歸

芍藥

大黃

芒硝

連翹

薄荷

麻黃

去節已上各半兩

石膏

桔梗

黃芩

各壹兩

白朮

山梔子

荆芥穗

各叁分

滑石

貳兩

甘草

壹兩

一方去芒硝加牛膝

半兩酒浸

人參

半兩

半夏

半兩生薑製

右爲鹿末每服一兩生姜同煎日再服

若勞汗當風爲鼓鬱乃瘞勞汗出於玄府脂液所凝去芒硝加芍藥當歸

若生癰疹或赤或白倍加麻黃益鼓葱白出汗亦去芒硝若依前方中加四物黃連解毒二藥合而飲之日二服

若小便淋瀝去麻黃加滑石連翹煎藥湯調木香末一錢匕若腰脇痛走疰疼痛加硝石當歸甘草一服內各二錢調車前子末海金沙末各一錢

若破傷風每一兩加荆芥穗大黃各二錢調全蝎末一錢羌活末一錢

若諸風潮搐小兒急慢驚風大便結秘邪熱甚腸胃乾燥寢汗咬牙上竄睡語筋轉驚悸肌肉蠕動每一兩加大黃二

錢梔子二錢調換苓二錢羌活末一錢

若風傷於肺咳嗽喘急每一兩加半夏桔梗紫苑各二錢

若打撲傷損肢節疼痛腹中惡血不下每一兩加當歸大黃各三錢半調沒藥乳香末各二錢

若解利四時傷寒內外所傷每一兩加益元散一兩葱白十莖鹽豉一合生姜半兩水一椀同煎五七沸溫冷服一半以筋投之吐罷後服一半稍熱服汗出立解

若飲酒中風身熱頭痛如破者加黃連鬚二錢葱白十莖依法立愈

若頭旋腦熱鼻塞濁涕時下每一兩加薄荷黃連各二錢半

萬應針頭丸治一切腦背疽惡毒大瘡欲死者一粒即愈武昌

閱千戶秘收此藥大都治可者八十余入

麝香參名

血竭

參名不用如蠟者用

蟾酥

參名舌試

輕粉

參名

硃砂

參名

片腦

壹分

蜈蚣

壹對

對全用

右為極細末煉蜜和為劑如瘡有頭者用針挑破微有血出將藥一黍米太放於挑開瘡口內上用紙花周圍唾津濕沾瘡上其藥不過時刻即愈

如兩腋見無頭瘡者即是暗丁俗云耍胡是也即將兩手虎口內白土紋用針挑破如前用藥封蓋忌雞鵝酒濕麵一切發熱之物

驅瘡丹

常山

壹斤剉碎酒浸宿煎乾不見火

檳榔

四兩

右同為末酒糊丸桐子大於發日當夜五更冷酒下五十九至早辰空心又冷酒下五十九忌食熱物一日更忌生冷硬

物葷腥濕麵等數十日如夜發者却於當日早晨午後二次
依前服之

治諸積蠶甲桃仁煎丸

桃仁

五兩湯浸去皮尖
用水研濾取三升

荆三稜

貳兩煨黃

蠶甲

九肋者醋
炙黃三兩

木香

檳榔

青橘皮

去穰炒
各壹兩

右先取桃仁汁慢火熬至二升再加好醋一升再熬如糊將
余藥五味細末拌和勻丸如桐子大每服五七十九丸淡醋湯
下空心日二服

雜類名方